

摘藻堂四庫全書薈要

史部

欽定四庫全書薈要

史部

文獻通考卷二百六十二

詳校官員外郎臣潘紹觀



欽定四庫全書薈要卷九千五百八十三

史部

文獻通考卷二百六十二

鄱陽馬端臨貴與著

建考三

春秋列國傳授本末事跡

吳太伯與弟仲雍皆周太王之子王季歷之兄季歷賢而有聖子昌太王欲立季歷以及昌太伯仲雍乃奔荆蠻文身斷髮示不可用以避季歷季歷立太伯在荆

蠻自號句吳荆蠻義之歸者千餘家立為吳太伯太伯
卒弟仲雍立仲雍子季簡傳 叔達 周章 熊遂
柯相 疆鳩夷 餘橋疑吾 何盧 周繇 屈羽
夷吾 禽處 轉 頗高 句卑 去齊 壽夢 諸
樊 餘祭 餘昧 僚 闔廬 夫差 凡二十五傳
而吳為越所滅

齊 太公呂尚姜姓蓋四岳苗裔以漁釣干西伯西伯
立為師武王立師尚父佐武王伐商有天下乃封之於

齊營丘子丁公伋傳 乙公 癸公 哀公 胡公

獻公 武公 厲公 文公 成公 莊公 釐公

襄公 桓公 孝公 昭公 懿公 惠公 頃公

靈公 莊公 景公 悼公 簡公 平公 宣公

康公 凡二十八傳而齊為田和所併

魯 周公武王弟佐武王伐紂有天下相成王封魯曲

阜子魯公伯禽傳 考公 煬公 幽公 魏公 厲

公 獻公 真公 武公 懿公 伯御 孝公 惠

公 隱公 桓公 莊公 閔公 僖公 文公 宣

公 成公 襄公 昭公 定公 哀公 悼公 元

公 穆公 共公 康公 景公 平公 文公 頃

公 凡三十五傳而魯為楚所滅

燕 召公奭與周同姓姬氏文王武王之時自陝以西

召公主之既克商乃封召公於北燕自召公以下九世

至惠侯傳 釐侯 頃侯 哀侯 鄭侯 繆侯 宣

侯 桓侯 莊公 襄公 桓公 宣公 昭公 武

公文公 懿公 惠公 悼公 共公 平公 簡公
獻公 孝公 成公 湣公 釐公 桓公 文公
易王 王噲 昭王 惠王 武成王 孝王
王喜 凡四十三傳而燕為秦所滅

潁濱蘇氏曰燕國於蠻貊之間禮樂微矣春秋之際未嘗出與諸侯會盟至於戰國亦以耕戰自守安樂無事未嘗被兵文公二十八年蘇秦入燕始以縱橫之事說之自是兵交中國無復寧歲六世

而亡吳自太伯至壽夢十七世不通諸侯自巫臣入吳教之乘車戰射與晉楚力爭七世而亡燕吳雖南北絕遠興亡之迹大略相似彼說客策士借人之國以自快於一時可矣而為國者因而循之猖狂恣行以速滅亡何哉夫起於僻陋之中奮於諸侯之上如商周先王以德服人則可不然皆禍也丹欲以一匕首斃秦正使能害秦王亦何救於秦之滅燕而況不能哉此又蘇秦所不取也

容齋洪氏隨筆曰北燕在春秋時最為僻小能自見於中國者不過三四大率制命於齊七雄之際為齊所取後賴五國之力樂毅為將然後勝齊然卒於得七十城不能守也故蘇秦說趙王曰趙北有燕燕固弱國不足畏也燕王曰寡人國小西迫強秦南近齊趙齊趙彊國也又曰天下之戰國七而燕處弱焉獨戰則不能有所附則無不重昭王謂郭隗曰孤極知燕弱小不足以報齊蘇代曰一

齊之彊燕猶不能支奉陽君曰燕弱國也東不如齊西不如趙趙長平之敗壯者皆死燕以二千乘攻之為趙所敗太子丹請荊軻曰燕小弱數困於兵何足以當秦楚漢之初趙王武臣為燕軍所得趙廝養卒謂其將曰一趙尚易燕況以兩賢王滅燕易矣彭寵以漁陽叛即時夷滅十六國之起戎狄亂華稱燕稱趙者多矣未嘗有只據燕薊之地者也獨安祿山以三十年節制之威又兼領河東

乘天寶政亂出不意而舉兵史思明繼之雖為天下之禍旋亦殄滅至於藩鎮擅地所謂范陽盧龍固常受制於天雄成德也劉仁恭守光父子僭竊一方唐莊宗遣周德威攻之克取巡屬十餘州如拾地芥石晉割賂契丹仍其舊國恃以為強然晉開運陽城之戰德光幾不免周世宗小振之立下三關但太平興國失於輕舉又不治敗將喪師之罪致令披猖以迄於今若以謂幽燕為用武之地

則不然也

蔡武王伐商立武庚以管叔蔡叔監殷管蔡以殷叛
周公討之殺管叔放蔡叔其子蔡胡率德改行周公以
為卿士叔率乃封胡於蔡蔡仲子蔡伯傳宮侯厲
侯武侯信侯釐侯共侯戴侯宣侯桓
侯哀侯繆侯莊侯文侯景侯靈侯平
侯悼侯昭侯成侯聲侯元侯侯齊凡
二十四傳而蔡為楚所滅

曹 曹叔振鐸武王弟武王克殷封振鐸於曹振鐸子

太伯傳 仲君平 官伯 孝伯 夷伯 幽伯 戴

伯 惠伯 石甫 繆公 桓公 莊公 釐公 昭

公 共公 文公 宣公 武公 平公 悼公 聲

公 隱公 靖公 伯陽 凡二十五傳而曹為宋所

滅

陳 舜傳禹天下而舜子商均為封國夏后之時或失
或續至周武王克殷紂乃復求舜後得媯滿封之於陳

以奉舜祀是為胡公子申公傳 桓公 孝公 慎公
幽公 釐公 武公 夷公 厲公 利公 莊公
宣公 穆公 共公 靈公 惠公 懷公 湣公
凡十九傳而陳為楚所滅

杞 夏后禹之後殷時或封或絕周武王克殷求禹之
後得東樓公封之於杞以奉夏后氏祀東樓公子西樓
公傳 題公 謀娶公 武公 靖公 共公 德公
桓公 孝公 文公 平公 悼公 隱公 釐公

湣公 哀公 出公 簡公 凡十九傳而杞為楚
所滅

衛 康叔周武王母弟克商立武庚令管蔡霍叔監之
武王崩三監挾武庚叛周公討平之乃封康叔於殷故
墟康叔子康伯傳 考伯 嗣伯 庚伯 靖伯 貞

伯 頃侯 釐侯 武公 莊公 桓公 宣公 惠

公 懿公 戴公 文公 成公 穆公 定公 獻

公 殤公 靈公 出公 莊公 悼公 敬公 昭

公懷公慎公聲公成侯平侯嗣君懷

君元君君角凡三十七傳而衛為秦所滅

宋微子殷帝乙元子紂庶兄武王崩武庚叛周公討
誅之乃封微子於宋奉殷祀微子卒弟微仲立傳宋

公丁公湣公煬公厲公釐公惠公哀

公戴公武公宣公穆公殤公莊公湣

公桓公襄公成公昭公文公共公平

公元公景公昭公悼公休公辟公剔

成 偃 凡三十二傳而宋為齊所滅

晉 唐叔虞周武王子成王弟成王封叔虞於唐叔虞

子燮傳 武侯 成侯 厲侯 靖侯 釐侯 獻侯

穆侯 殤叔 文侯 昭侯 孝侯 鄂侯 哀侯

小子侯 湣侯 武公 獻公 惠公 懷公 文

公 襄公 靈公 成公 景公 厲公 悼公 平

公 昭公 頃公 定公 出公 哀公 幽公 烈

公 孝公 靜公 凡三十八傳而晉為韓趙魏所分

楚 其先出自帝顓頊高陽其後為重黎至周成王時

舉文武勤勞之後而封熊繹於楚蠻封以子男之田姓

芈氏居丹陽熊繹生熊艾 熊黥 熊勝 熊楊 熊

渠 熊摯紅 熊延 熊勇 熊嚴 熊霜 熊徇

熊罾 若敖 霄敖 蚡冒 武王 文王 杜敖

成王 穆王 莊王 共王 康王 郟敖 靈王

平王 昭王 惠王 簡王 聲王 悼王 肅王

宣王 威王 懷王 頃襄王 考烈王 幽王 哀

王 王負芻 自熊繹至負芻四十一傳而楚為秦所

滅

越 其先禹之苗裔少康之庶子封於會稽以奉禹祀
文身斷髮披草萊而邑後二十餘世至於允常允常子
句踐傳 鼫與 不壽 翁 翳 之侯 無疆 自
允常以後凡八傳而越為楚所滅

鄭 桓公友周厲王少子宣王庶弟宣王封友於鄭桓
公子武公傳 莊公 厲公 昭公 子亹 子儀

文公 穆公 靈公 襄公 悼公 成公 釐公

簡公 定公 獻公 聲公 哀公 共公 幽公

緡公 君乙 凡二十三傳而鄭為韓所滅

趙 其先與秦共祖至周幽王時叔帶去周如晉事晉

文侯五世而後生趙夙晉獻公賜趙夙耿夙生趙衰

盾宣子朔莊子武文子成景叔鞅簡子毋卹襄子浣獻侯列侯籍始命為

諸侯 武公 敬侯 成侯 肅侯 武靈王 惠文

王 孝成王 悼襄王 幽繆王 遷 自列侯籍至幽

繆王遷十傳而趙為秦所滅

魏 其先畢公高之後與周同姓其後絕封為庶人或

在中國或在夷狄其苗裔曰畢萬事晉獻公獻公賜畢

萬魏萬生犂

武子

顓

悼子

絳

昭子

嬴

荼

獻子

侈

桓子

文

侯

斯

始

命

為

諸侯 武侯 惠王 襄王 哀王 昭王 安釐王

景湣王 王假 自文侯斯至王假凡九傳而魏為

秦所滅

韓 其先與周同姓其後苗裔事晉得封於韓原曰韓

武子

或言邗晉應韓皆武王之子韓侯在宣王時其後國滅而後裔事晉復封於韓或言韓萬是曲沃桓

叔之子萬

武子後三世有韓厥

獻子起

宣子頃

貞子不信

簡庚

莊子

康子

啓章

武子

景侯虔始為諸侯

列侯

文侯

哀

哀

侯

懿侯

昭侯

宣惠王

襄王

釐王

桓惠王

王安

自景侯虔至王安十一傳而韓為秦所滅

齊

陳完

陳厲公佗之子厲公為蔡人所殺完不得立

奔齊

為工正完卒諡敬仲敬仲生穉

宇

桓子開

武子乞

僖子常

成子盤

襄子白

莊子太公和

始為諸侯

王 威王 宣王 湣王 襄王 王建 自太公和
至王建七傳而齊為秦所滅

秦 其先帝顓頊之苗裔孫曰女脩生子大業大業生

大費即伯益其後至周孝王時有非子為王主馬於汧渭

之間孝王分土為附庸邑之秦使續嬴氏祀號曰秦嬴

秦嬴生秦侯 公伯 秦仲 莊公 襄公 文公

寧公 武公 德公 宣公 成公 繆公 康公

共公 桓公 景公 哀公 惠公 悼公 厲共公

躁公 懷公 靈公 簡公 惠公 獻公 孝公

惠文王 武王 昭襄王 孝文王 莊襄王 始

皇帝 二世皇帝 自秦嬴三十四傳至始皇而并天下二世而亡

右春秋十二列國戰國七雄太史公作史記有各國世家敘述已為詳備茲不復具錄姑略敘各國得封之由與傳授之世系而已至於邾莒許滕薛鄭以下諸國其事實之見於春秋左氏內外傳及

傳記諸書者頗詳史記以其國小不復作世家後來無述焉故摭各國事實之可考者仿世家之例備述於後至其世系之傳授得封分地受姓受爵之原委苟有可考者則書之難書者闕之所敘述一依史傳元文而不敢有所去取刪潤避不敏也

邾

邾曹姓子爵出自陸終第五子安之後武王克商封其苗裔曹挾於邾為附庸國在魯國鄒縣今濟州城南有

邾婁城

國在某縣本杜預注左傳今為某處本鄭樵考今諸國地名後同

魯隱公元

年公即位而欲求好於邾故與邾子克盟於蔑 十月

鄭人以王師號師伐衛南鄙請師於邾邾子使私於魯

大夫公子豫豫請往魯公不許遂行及邾人鄭人盟於

翼 五年宋人取邾田邾告於鄭曰請君釋憾於宋敝

邑為道鄭人以王師會之伐宋入其郛 七年魯伐邾

為宋討也 桓公八年魯伐邾 十五年邾人朝於魯

十七年魯及邾子克盟於趙尋蔑之盟 莊公十六

年邾子克卒 僖公元年魯敗邾師於偃虛丘之成將

歸者也

虛丘邾地邾人既送哀姜還齊人殺之因成虛丘欲以侵魯公以義求齊齊送姜氏之喪而邾

人懼乃歸故公要而敗之

二十二年邾滅須句魯伐邾取須句反

其君焉

八月邾人以須句故伐魯僖公卑邾不設備

戰於升陘魯師敗績

三十三年魯伐邾取訾婁以報

升陘之役邾人不設備秋襄仲復伐邾 文公七年魯

伐邾取須句寘文公子焉

僖公取須句反其君後復為邾所取今魯再取之邾文公

子叛在魯故魯使之為須句大夫

十三年邾文公卜遷於繹

繹邾邑魯國鄒

縣北有
繹山

史曰利於民不利於君邾子曰苟利於民孤之

利也天生民而樹之君以利之也民既利矣孤必與焉
左右曰命可長也君何弗為邾子曰命在養民死之短
長時也民苟利矣遷也吉莫如之遂遷於繹五月邾文
公卒君子曰知命 十四年邾文公之卒也公使弔焉
不敬邾人來討伐魯南鄙故惠伯伐邾 文公元妃齊
姜生定公二妃晉姬生捷菑文公卒邾人立定公捷菑
奔晉晉趙盾以諸侯之師八百乘納捷菑於邾邾人辭

曰齊出糴且長宣子曰辭順而弗從不祥乃還宣公

十年魯伐邾取繹成公十三年會晉諸侯之師伐秦

十八年邾宣公即位朝於魯襄公元年邾子朝於

魯會晉諸侯之師圍宋彭城伐鄭四年邾莒伐鄆魯

臧紇救鄆侵邾魯師敗於狐駘六年魯穆叔如邾聘

且修平

平四年
狐駘戰

十一年會晉及諸侯伐鄭會於蕭魚

十四年會晉及諸侯於向遂從晉侯及諸侯之師伐

秦十五年邾伐魯南鄙魯告於晉晉將為會以討邾

莒晉侯有疾乃止 十六年會晉及諸侯於溴梁晉以

魯故執邾宣公 十七年邾伐魯南鄙為齊故也齊未得志

於魯邾故助之 十九年晉及諸侯盟於督楊執邾悼公以其

伐魯故遂次於泗上疆魯田正邾魯界取邾田自漵水歸

之於魯邾田在漵水北今更以漵為界故曰取邾田 二十年會晉及諸侯

盟於澶淵邾人驟伐魯魯以諸侯之事弗能報秋孟莊

子伐邾以報之 二十一年邾大夫庶其以漆閭丘奔

魯季武子以公姑姊妻之皆有賜於其從者 二十二

年會晉及諸侯於沙隨 二十二年邾畀我奔魯

畀我庶其

之黨

二十五年會晉及諸侯於夷儀

二十七年晉楚

及諸侯盟於宋齊人請邾不與盟

二十八年邾悼公

朝於魯

昭公十一年魯孟僖子會邾莊公盟於祿祥

十三年晉會諸侯於平丘邾莒愬於晉曰魯朝夕伐

我幾亡矣我之不共魯故之以晉公不見魯公執季孫

意如

十八年邾襲郕入之盡俘以歸既而反郕夫人

舍其女

十九年宋為郕故伐邾圍蟲三月取之乃盡

歸郵俘邾人邾人徐人會宋公同盟於蟲 二十三年

邾人城翼

邾邑

還將自離姑

亦邾邑從離姑則道經魯之武城

公孫鉏曰

魯將御我欲自武城還循山而南徐鉏丘弱茅地

三子邾大

夫曰道下遇雨將不出是不歸也

謂此山道下濕

遂自離姑武

城人塞其前

以兵塞前道

斷其後之木而弗殊邾師過之乃

推而蹙之遂取邾師獲鉏弱地邾人愬於晉晉執魯行

人叔孫婁使與邾大夫坐

坐訊曲直

叔孫曰列國之卿當小

國之君固周制也邾又夷也寡君之命介子服回在請

使當之乃不果坐韓宣子使邾人聚其衆將以叔孫與之士彌牟日子弗良圖而以叔孫與其讎叔孫必死之魯亡叔孫必亡邾邾君亡國將焉歸所謂盟主討違命也若皆相執焉用盟主乃弗與使各居一館士伯聽其辭而愬諸宣子乃皆執之士伯御叔孫從者四人過邾館以如吏欲使邾人見叔孫之屈辱先歸邾子次年乃歸叔孫二

十五年會晉及諸侯於黃父三十一年邾黑肱以濫

奔魯

黑肱邾大夫濫東海昌慮縣

定公二年邾莊公與夷射姑飲

酒私出闔乞肉焉奪之杖以敲之其明年邾子在門臺
臨廷闔以鉞水沃廷邾子望見之怒闔曰夷射姑旋焉
命執之弗得滋怒自投於床廢於鑪炭爛遂卒莊公卞
急而好潔故及於是 冬魯仲孫何忌及邾子盟於郟

十四年魯大蒐於比蒲邾子來會 十五年邾隱公

朝魯執玉高其容仰定公受玉卑其容俯子貢觀之曰

二君者皆將死亡 哀公二年魯伐邾將伐絞絞邾邑邾

人愛其土故賂以漑沂之田乃盟於句繹 七年魯伐

邾及范門

邾郭門

猶聞鐘聲

邾不禦寇

大夫諫不聽茅成子請

告於吳

成子邾大夫

不許曰魯擊柝聞於邾吳二千里不三

月不至何及於我且國內豈不足

言足以距魯

成子以茅叛

魯師入邾處其公宮師晝掠邾衆保於繹師宵掠以邾

子益歸獻於亳社囚諸負瑕負瑕故有繹

負瑕魯邑魯得邾之繹民

使在負瑕故使相就辱之

邾茅夷鴻以束帛乘韋自請救於吳曰魯

弱晉而遠吳馮恃其衆而背君之盟辟君之執事以陵

我小國邾非敢自愛也懼君威之不立君威之不立小

國之憂也若夏盟於鄆衍秋而背之成求而不違四方

諸侯其何以事君且魯賦八百乘君之貳也

貳敵也魯以八百乘

賦貢於吳邾賦六百乘君之私也

為私屬

以私奉貳唯君

圖之吳子從之

八年吳為邾故伐魯克武城次於泗

上取盟而還齊侯如吳請師將以伐魯乃歸邾子邾子

又無道吳子使太宰子餘討之囚諸樓臺梃之以棘使

大夫奉太子革以為政十年邾隱公奔魯齊甥也故

遂奔齊公會吳子邾子邾子伐齊南鄙

二十一年魯

哀公及齊侯邾子盟於顧 二十二年邾隱公自齊奔

越曰吳為無道執父立子越人歸之太子革奔越 二

十四年邾子又無道越人執之以歸而立公子何何亦

無道 二十七年越子使后庸來聘且言邾田封於駘

上欲使魯還邾田

盟於平陽

邾後改曰鄒鄒與魯閔

聲也閔闕

鄒穆公問於孟子曰吾有司死者三十三人而民

莫之死也誅之則不可勝誅不誅則疾視其長上之死

而不救如之何則可也孟子對曰凶年饑歲君之民老

弱轉乎溝壑壯者散而之四方者幾千人矣而君之倉廩實府庫充有司莫以告是上慢而殘下也曾子曰戒之戒之出乎爾者反乎爾者也夫民今而後得反之也君無尤焉君行仁政斯民親其上死其長矣 邾後為魯所滅

邾世次 邾儀父克 邾子瑱 文公蘧蔭 定公矍

且 宣公掙 悼公華 莊公穿 隱公益姑 桓公

革 公子何

四年獲麟 穆公

莒

莒嬴姓子爵國在城陽莒縣今密州出自少皞之後武王封輿期於莒莒夷君無諡而有號自茲輿期十一世至茲丕始見於春秋 魯隱公二年莒子娶於向向姜不安莒而歸莒人入向以姜氏還 冬紀子伯莒子盟於密 四年莒伐杞取牟婁 八年魯公及莒人盟於浮來成紀好也 閔公二年魯共仲弑閔公奔莒僖公立以賂求共仲於莒而殺之 僖公二年莒人來求賂

於魯

以還慶父故

魯公子友敗諸鄆獲莒子之弟挈

二十

五年衛人平莒於魯乃盟於洮修衛好及莒平也 二

十六年魯公會莒茲丕公甯莊子盟於向尋洮之盟

文公十八年莒紀公生太子僕又生季佗愛季佗而黜

僕且多行無禮於國僕因國人以弑紀公以其寶玉奔

魯宣公命與之邑季文子使司寇出諸竟 宣公四年

魯公及齊侯平莒及邾

二國宿有怨

莒人不肯魯伐莒取向

十三年齊師伐莒莒事晉而不事齊故也 成公七年

晉侯及諸侯同盟於馬陵莒服故也

莒本屬齊齊服晉故莒從之

八年晉使申公巫臣如吳假道於莒與渠丘公立於池

上曰城已惡莒子曰辟陋在夷其孰以我為虞對曰夫

狡焉思啓封疆以利社稷者何國蔑有唯然故多大國

矣唯或思或縱也

世有思開封疆者有縱其暴掠者

勇夫重閉況國乎

九年楚子重自陳伐莒圍渠丘渠丘城惡衆潰奔莒

楚入渠丘莒人囚楚公子平楚人曰勿殺吾歸而俘莒

人殺之楚師圍莒莒城亦惡庚申莒潰楚遂入鄆莒無

備故也 襄公四年邾莒伐鄆魯救鄆侵邾敗於狐駘

六年莒滅鄆

八年莒伐魯東鄙以疆鄆田

莒既滅鄆魯侵

其西界故莒伐魯東鄙正之

九年會晉及諸侯之師伐鄭同盟於

戲 十年會晉及諸侯於柤伐鄭莒人間諸侯之有事

也故伐魯東鄙

諸侯有討鄭之事

十一年會晉及諸侯於蕭

魚 十二年莒伐魯東鄙圍台魯季武子救台入鄆取

其鐘以為公盤

十四年會諸侯及吳于向晉執莒公

子務婁以其通楚使也會諸侯之師伐秦 十六年晉

會諸侯於溴梁命歸侵田以魯故執邾宣公莒黎比公

前年邾莒伐魯
晉未能討故也

且曰通齊楚之使

二十年魯及莒平

孟莊子會莒人盟於向督楊之盟故也

莒數伐魯前諸
侯盟督楊以和

解之二十三年齊侯還自伐晉遂襲莒門于且于傷股

而退明日將復戰期於壽舒

莒地

杞殖華還

齊大夫

載甲夜

入且于之隧宿於莒郊明日先遇莒子於蒲侯氏

近莒
邑

莒子重賂之使無死曰請有盟

以盟要二子
令無死戰

華周對曰

貪貨棄命君所惡也昏而受命日未中而棄之何以事

君莒子親鼓之從而伐之獲杞梁莒人行成

勝大國懼故速成

二十九年會晉及諸侯城杞 三十年會晉及諸侯

於澶淵宋災故 三十一年莒黎比公生去疾及展輿

既立展輿又廢之黎比公虐國人患之十一月展輿因

國人以攻莒子弑之乃立去疾奔齊齊出也展輿吳出

也 昭公元年魯季武子伐莒取鄆諸侯會於號莒人

告於會楚告於晉曰尋盟未退而魯伐莒瀆齊盟請戮

其使乃執叔孫豹趙文子為之請於楚曰魯雖有罪而

執事不辟難畏威而敬命夫子若免之以勸左右可也
莒魯爭鄆為日久矣苟無大害於其社稷可無亢也楚
人許之乃免叔孫 莒展輿立而奪羣公子秩公子召

去疾於齊齊公子鉏納去疾展輿奔吳魯叔弓帥師疆

鄆田因莒亂也於是莒務婁瞽胡及公子滅明以大厖

與常儀靡奔齊

三子展輿黨大厖
常儀靡莒二邑

四年魯取鄆莒亂

著丘公立而不撫鄆鄆叛而歸魯 五年莒牟夷以牟

婁及防茲奔魯

牟夷大夫牟
婁防茲二邑

莒人愬於晉魯昭公朝於

晉晉侯將止之范獻子曰不可乃歸公公至自晉莒人

來討不設備叔弓敗諸蚡泉莒未陳也十年魯季平

子伐莒取郟十二年魯昭公如晉至河乃復取郟之

役莒人愬於晉晉有平公之喪未之治也故辭公十

三年為取郟故晉將以諸侯討魯邾人莒人復愬於晉

曰魯朝夕伐我幾亡矣我之不共魯故之以晉侯不見

公執季孫意如十四年莒著丘公卒郊公不感郊公著丘

子公國人弗順欲立著丘公之弟庚輿庚輿莒共公蒲餘侯莒大

夫惡公子意恢而善於庚輿郊公惡公子鐸而善於意

恢公子鐸因蒲餘侯而與之謀曰爾殺意恢我出君而

納庚輿許之十二月蒲餘侯茲夫殺意恢郊公奔齊公

子鐸逆庚輿於齊齊隰黨公子鉏送之有賂田 十九

年齊高發帥師伐莒莒子奔紀鄆莒邑使孫書伐之孫書陳無

宇之子子占也初莒有婦人莒子殺其夫已為嫠婦及老託於

紀鄆紡焉以度而去之因紡纊連所紡以度城而藏之

及師至則投諸外或獻諸子占子占使師夜緦而登登

者六十人縋絕師鼓噪城上之人亦噪莒共公懼啓西門而出齊乃入紀 二十二年齊北郭啓帥師伐莒莒

子將戰苑羊牧之

莒大夫

諫曰齊帥賤其求不多不如下

之大國不可怒也弗聽敗齊師於壽餘齊侯伐莒莒子行成司馬竈

齊大夫

如莒涖盟莒子如齊涖盟盟於稷門

之外莒於是乎大惡其君 二十三年莒子庚輿虐而

好劒苟鑄劒必試諸人國人患之又將叛齊烏存

莒大夫

帥國人以逐之庚輿將出聞烏存執殳立於道左懼將

止死苑羊牧之曰君過之烏存以力聞可矣何必以弑
君成名遂奔魯齊人納郊公 庚輿而下微不復見後
四世而楚滅之 秦昭襄王五十二年楚人遷魯於莒
而取其地

莒世次 茲丕公 紀公庶其 厲公季陀 渠丘公
宋 黎比公密州 展輿 著丘公去疾 庚輿 郊

公 莒子任 共公 是年卒
即獲麟

許

許姜姓男爵出自堯四岳伯夷之後周武王封其苗裔
文叔於許以續太岳之嗣地在潁川許昌縣今許州是
也魯隱公十一年公會鄭伯於邾謀伐許也秋七月

公會齊侯鄭伯伐許庚辰傅於許壬午入許許莊公奔

衛齊侯以許讓公公曰君謂許不共不共職貢故從君討之

許既伏其罪矣雖君有命寡人弗敢與聞乃與鄭人鄭

伯使許大夫百里奉許叔以居許東偏許叔莊公之弟曰天禍

許國鬼神實不逞於許君而假手於我寡人寡人唯是

一二父兄不能共億其敢以許自為功乎寡人有弟不能和協而使餬其口於四方其況能久有許乎吾子其奉許叔以撫柔此民也吾將使獲也佐吾子

獲鄭大夫公孫獲

若寡人得沒於地天其以禮悔禍於許無寧茲許公復奉其社稷唯我鄭國之有請謁焉如舊昏媾其能降以相從也無滋他族實偪處此以與我鄭國爭此土也吾子孫其覆亡之不暇而況能裡祀許乎寡人之使吾子處此不惟許國之為亦聊以固吾圉也乃使公孫獲處

許西偏曰凡而器用財賄無寘於許我死乃亟去之吾

先君新邑於此王室而既卑矣周之子孫日失其序夫

許太岳之胤也

神農之後堯四岳也

天而既厭周德矣吾其能與

許爭乎 莊公二十九年鄭人侵許 僖公四年會齊

侯及諸侯之師侵蔡伐楚次於陘許穆公卒於師葬之

以侯禮 六年齊侯及諸侯之師伐鄭以其逃首止之

盟秋楚子圍許以救鄭諸侯救許乃還冬蔡穆侯將許

僖公以見楚子於武城

楚子退舍武城猶有忿志故蔡將許君歸楚武城楚地

許

男面縛銜璧大夫衰經士輿櫬

縛手於後唯見其面以璧為贅手縛故銜之將

受死故衰經輿櫬

楚子問諸逢伯對曰昔武王伐殷微子啓如

是武王親釋其縛受其璧而祓之

祓除凶之禮

焚其櫬禮而

命之使復其所楚子從之三十三年晉陳鄭伐許討

其貳於楚也文公五年許僖公卒成公二年晉伐

齊楚令尹子重為陽橋之役以救齊王卒盡行彭名御

戎蔡景公為左許靈公為右二君弱皆彊寇之楚遂及

諸侯盟於蜀蔡侯許男不書乘楚車也三年許恃楚

而不事鄭鄭子良伐許 四年鄭公孫申帥師疆許田

前年鄭伐許取其田許人敗諸展陂鄭伯伐許取鉏任冷敦之田

展陂許地晉欒書帥師救許伐鄭取汜祭楚子反救鄭鄭伯

與許男訟焉皇戌攝鄭伯之辭子反不能決也 五年

許靈公愬鄭伯於楚六月鄭悼公如楚訟不勝楚入執

皇戌及子國故鄭伯求成於晉 八年晉欒書侵蔡遂

侵楚侵沈鄭伯將會晉師門於許東門大獲焉

過許見其無備

因攻之九年鄭伯如晉晉人討其貳於楚執諸銅鞮冬

鄭人圍許示晉不急君也是則公孫申謀之曰我出師

以圍許

示不
畏晉

為將改立君者而紓晉使

勿亟遣
使如晉

晉必歸

君十四年八月鄭子罕伐許敗焉戊戌鄭伯復伐許

入其俘許人平以叔申之封

四年鄭公孫申疆許田許
人敗之不得定其封疆今

許以是所封
田求和於鄭

十五年許靈公畏偪於鄭請遷於楚辛

丑楚公子申遷許於葉

葉今南陽葉縣
許畏鄭南依楚

襄公三年許

靈公事楚不會於雞澤晉知武子帥師伐許十六年

許男請遷於晉

許欲
叛楚

晉以諸侯會溴梁遂遷許許大夫

不可晉人歸諸侯

唯以師討許之不肯還

鄭子矯聞將伐許遂相

鄭伯以從諸侯之師

鄭與許有宿怨故其君親行

師次於楫林伐許

次於函氏

皆許地

晉荀偃帥師伐楚敗楚師遂侵方城之

外復伐許而還

二十六年許靈公如楚請伐鄭

十六年晉

伐許他國皆大夫獨鄭伯自行故許患欲報之

曰師不興孤不歸矣八月卒於

楚楚子曰不伐鄭何以求諸侯十月楚子伐鄭入南里

墮其城涉於汜而歸然後葬許靈公

昭公四年許男

如楚楚子止之遂止鄭伯復田江南許男與焉使椒舉

如晉求諸侯二君待之楚以諸侯滅賴遷賴於鄢楚子

欲遷許於賴使鬬韋龜與公子棄疾城之而還為許城也

九年楚公子棄疾遷許於夷實城父此時改城父為夷城父縣屬譙郡

取州來淮北之田以益之益許田伍舉授許男田然丹遷

城父人於陳以夷濮西田益之以夷田在濮水西者與城父人遷方城

外人於許成十五年許遷於葉因謂之許今許遷於夷故以方城外入實其處傳言靈王使民不安

十八年楚左尹王子勝言於楚子曰許於鄭仇敵也

而居楚地以不禮於鄭十五年平王復遷邑許自夷還居葉恃楚而不事鄭晉鄭

方睦鄭若伐許而晉助之楚喪地矣君盍遷許許不專

於楚

自以舊國不專心以事楚

鄭方有令政許曰余舊國也

許先鄭封

鄭

曰余俘邑也

隱十一年鄭滅許而復存之故曰我俘邑

葉在楚方城外之蔽

也

為方城外之蔽障

土不可易

易輕也

國不可小

謂

鄭許不可俘讐

不可啓君其圖之楚子說使王子勝遷許於葉實白羽

於傳時白羽改為析

十九年許悼公癰飲太子止之藥卒太子

奔晉

定公四年許遷於容城

六年鄭游速帥師滅

許以許男斯歸因楚敗也

許世次 穆公新臣 僖公業 昭公錫我 靈公甯

悼公買

許男斯

元公成

二年獲麟

滕

滕姬姓侯爵文王子叔繡之後也地在兗州龔丘今徐

州有故滕城

魯隱公七年滕侯卒

未同盟故不計以名

十一

年滕侯薛侯來朝爭長薛侯曰我先封

薛祖奚仲夏所封在周之前

滕侯曰我周之卜正也薛庶姓也我不可以後之公使

羽父請於薛侯曰君與滕君辱在寡人周之宗盟異姓

為後寡人若朝於薛不敢與諸任齒君若辱貺寡人則

願以滕君為請薛侯許之乃長滕侯 桓公二年滕子

來朝

滕本侯今稱子
蓋時王所黜

僖公十九年宋襄公以會召諸

侯執滕宣公嬰齊 文公十二年滕昭公朝魯始朝於

公也 宣公九年滕昭公卒宋人圍滕因其喪也 十

年滕人恃晉而不事宋故宋師伐滕 成公十三年會

晉侯及諸侯之師伐秦敗秦師於麻隧 襄公九年會

晉及諸侯之師圍宋彭城 二年會晉及諸侯之師於

戚遂城虎牢 六年滕成公朝魯始朝公也 九年會

晉及諸侯伐鄭同盟於戲 十年會晉及諸侯於柰遂

滅偃陽 十一年會晉及諸侯伐鄭會於蕭魚 十四

年會晉及諸侯吳師於向伐秦 二十年會晉及諸侯

於澶淵 二十五年會晉及諸侯於夷儀 二十七年

晉楚諸侯會於宋宋人請滕不與盟 三十年會宋及

諸侯於澶淵宋災故 三十一年魯襄公卒滕成公來

會葬愴而多涕子服惠伯曰滕君將死矣怠於其位而

哀已甚兆於死所矣能無從乎 昭公三年滕子原卒

魯叔弓如滕葬滕成公 四年會楚子及諸侯於申

十三年會劉子晉侯及諸侯盟於平丘 二十五年會

晉及諸侯於黃父 定公元年晉魏舒合諸侯之大夫

於狄泉將以城成周宋仲幾不受功曰滕薛邾吾役也

欲使三國代
宋受功役也

滕文公為世子將之楚過宋而見孟子

孟子道性善言必稱堯舜世子自楚反復見孟子孟子

曰世子疑吾言乎夫道一而已矣成覲謂齊景公曰彼

丈夫也我丈夫也吾何畏彼哉顏淵曰舜何人也予何
人也有為者亦若是公明儀曰文王我師也周公豈欺
我哉今滕絕長補短將五十里也猶可以為善國書曰
若藥不瞑眩厥疾不瘳滕定公薨世子使然友問於
孟子然後行事然友反命定為三年之喪問為國孟
子曰民事不可緩也民之為道也有恒產者有恒心無
恒產者無恒心苟無恒心放僻邪侈無不為已及陷於
罪然後從而刑之是罔民也焉有仁人在位罔民而可

為也是故賢君必恭儉禮下取於民有制夏后氏五十而貢殷人七十而助周人百畝而徹其實皆什一也徹者徹也助者藉也夫世祿滕固行之矣詩云雨我公田遂及我私由此觀之雖周亦助也設為庠序學校以教之庠者養也校者教也序者射也夏曰校殷曰序周曰庠學則三代共之皆所以明人倫也人倫明於上小民親於下有王者起必來取法是為王者師也使畢戰問井地孟子曰夫仁政必自經界始經界不正井地不均

穀祿不平是故暴君汚吏必慢其經界經界既正分田制祿可坐而定也夫滕壤地褊小將為君子焉將為野人焉無君子莫治野人無野人莫養君子請野九一而助國中什一使自賦卿以下必有圭田圭田五十畝餘夫二十五畝死徙無出鄉鄉田同井出入相友守望相助疾病相扶持則百姓親睦方里而井井九百畝其中為公田公事畢然後敢治私事所以別野人也此其大畧也若夫潤澤之則在君與子矣 文公問孟子曰滕

小國也間於齊楚事齊乎事楚乎對曰是謀非吾所能及也無已則有一焉鑿斯池也築斯城也與民守之效死而民弗去則是可為也又問曰齊人將築薛

築薛以逼滕

吾甚恐如之何則可孟子對曰昔者大王居邠狄人侵之去之岐山之下居焉非擇而取之不得已也苟為善後世子孫必有王者矣君子創業垂統為可繼也若夫成功則天也君如彼何哉強為善而已矣周赧王二

十九年宋滅滕

上距孟子時四十餘年

滕世次 滕侯穀 宣侯嬰齊 孝侯轍 昭公元

文侯壽 成公原 悼侯寧 頃公結 隱公虞母

年四

麟獲

薛

薛任姓侯爵黃帝之後奚仲封於薛地在薛縣今徐州
薛城至獻侯始朝魯與諸侯盟會 隱公十一年滕侯
薛侯來朝爭長公使羽父請於薛侯乃長滕侯 襄公
二年會晉及諸侯于戚遂城虎牢 九年會晉及諸侯

伐鄭 十年會晉及諸侯於柤伐鄭 十一年會晉及

諸侯之師伐鄭盟於蕭魚 十四年會晉及諸侯於向

伐秦 十六年會晉及諸侯於溴梁 二十年會晉及

諸侯於澶淵 二十五年會晉及諸侯於夷儀 三十

年會晉及諸侯於澶淵宋災故 昭公十三年會晉及

諸侯盟於平丘 二十五年會晉及諸侯盟於黃父

定公元年晉魏舒合諸侯之大夫於狄泉將以城成周

宋仲幾不受功曰滕薛邾吾役也薛宰曰宋為無道絕

我小國於周以我適楚故我常從宋晉文公為踐土之

盟曰凡我同盟各復舊職若從踐土若從宋亦唯命仲

幾曰踐土固然

言踐土盟薛亦宋役

薛宰曰薛之皇祖奚仲居薛

以為夏車正

奚仲為夏禹掌車服大夫

奚仲遷於邳仲虺居薛以為

湯左相

仲虺奚仲之後

若復舊職將承王官何故以役諸侯仲

幾曰三代各異物薛焉得有舊為宋役亦其職也士彌

牟曰晉之從政者新子姑受功歸吾視諸故府仲幾曰

縱子忘之山川鬼神其忘諸乎士伯怒謂韓簡子曰薛

徵於人宋徵於鬼宋罪大矣乃執仲幾以歸 定公十三年薛弑其君比

薛世次 薛侯 獻侯穀 襄公定 薛公比 惠公

夷

五年
獲麟

容齋洪氏隨筆曰左傳載魯哀公大夫云禹合諸侯於塗山執玉帛者萬國今其存者無數十焉漢公孫卿語武帝云黃帝萬諸侯而神靈之封君七千按王制所紀九州凡千七百七十有三國多寡

殊不侔以理推之一君會朝所將吏卒姑以百人計之則萬國之衆當為百萬塗山之下將安所歸宿乎其為僊言無可疑者所謂存者數十考諸經傳可見者唯薛耳薛之祖奚仲為夏禹掌車服大夫自此受封歷商及周末始為宋偃王所滅其享國千九百餘年傳六十四代三代諸侯莫之與比薛壤地褊小以詩則不列於國風以世家則不列於史記而春秋二百四十二年之間視同儕邾杞

滕鄆獨未嘗受大國侵伐則其為邦亦自有持守之道矣

小邾

小邾曹姓子爵出自邾挾之後夷父顏有功於周周封其子友於鄆為附庸地在東海昌慮縣東北鄆城今沂州齊桓公霸鄆君附從進爵為子始列諸侯謂之小邾子
莊公五年鄆犁來來朝名未王命也未受爵命為諸侯

十五年諸侯為宋伐鄆鄆附庸屬宋而叛故齊桓伐之鄭人間之而侵

宋 僖公七年小邾子來朝

始得王命而來朝也

襄公二年會

晉及諸侯城虎牢

七年小邾穆公朝魯亦始朝公也

九年會晉及諸侯之師伐鄭

十年會晉及諸侯於

柤 十一年會晉及諸侯伐鄭盟於蕭魚 十四年會

晉及諸侯之師於向伐秦

二十年會晉及諸侯盟澶

淵 二十二年會晉及諸侯於沙隨 三十年會晉及

諸侯盟澶淵宋災故

昭公三年小邾穆公來朝季武

子欲卑之

不欲以諸侯禮待之

穆叔曰不可曹滕二邾實不忘我

好敬以逆之猶懼其貳又卑一睦焉一睦謂小邾逆羣好也

其如舊而加敬焉志曰能敬無災又曰敬逆來者天所福也季孫從之 四年會楚及諸侯於申 十三年會

晉及諸侯盟於平丘 十七年小邾穆公來朝公與之

宴季平子賦采芣穆公賦菁菁者莪昭子曰不有以國

其能久乎嘉其能答賦言其賢故能久有國 十九年邾人鄆人徐人

會宋公同盟於蟲先時宋為鄆故討邾取蟲 二十五年會晉及諸

侯於黃父 定公元年晉合諸侯之大夫城成周宋仲

幾不受功曰滕薛邾吾役也

欲使三國代宋受功役

哀公四年

宋人執小邾子

小邾子無道於民故稱人以執

十四年小邾射以句

繹來奔

射小邾大夫句繹地名

曰使季路要我吾無盟矣使子路

子路辭季康子使冉有謂之曰千乘之國不信其盟而信子之言子何辱焉對曰魯有事於小邾不敢問故死其城下可也彼不臣而濟其言是義之也由弗能

文獻通考卷一百六十二

總校官庶吉士
金壽會
校對官修撰
張書勲

總校官庶吉士 臣 張能照

校對官修撰 臣 張書勲

謄錄監生 臣 陸學稼

欽定四庫全書薈要

史部

文獻通考卷二百六十三



詳校官員外郎臣潘紹觀

欽定四庫全書薈要卷九千五百八十四

史部

文獻通考卷二百六十三

鄱陽馬端臨貴與著

封建考四

春秋列國傳授本末事跡

隨

隨姬姓侯爵地在義陽隨縣今隨州 桓公六年楚武

王侵隨使蘧章求成焉

蘧章楚大夫

軍於瑕以待之隨人使

少師董成

隨大夫
董正也

鬬伯比言於楚子曰吾不得志於漢

東也我則使然我張吾三軍而被吾甲兵以武臨之彼
則懼而協以謀我故難間也漢東之國隨為大隨張必
棄小國小國離楚之利也少師侈請羸師以張之熊率
且比曰季梁在何益鬬伯比曰以為後圖少師得其君
王毀軍而納少師少師歸請追楚師隨侯將許之季梁
止之曰天方授楚楚之羸其誘我也君何急焉臣聞小
之能敵大也小道大淫所謂道忠於民而信於神也上

思利民忠也祝史正辭信也今民饒而君逞欲祝史矯

舉以祭

詐稱功德以欺鬼神也

公曰吾牲牷肥腍粢盛豐備何則

不信對曰夫民神之主也是以聖王先成民而後致力

於神故奉牲以告曰博碩肥腍謂民力之普存也謂其

畜之碩大蕃滋也謂其不疾疫蠹也謂其備腍咸有也

謂民力適完則六畜既大而滋皮毛無疥癬兼備無所缺也

奉盛以告曰潔粢豐盛

謂其三時不害而民和年豐也奉酒醴以告曰嘉栗旨

酒謂其上下皆有嘉德而無違心也所謂馨香無譌慝

也故務其三時修其五教親其九族以致其禋祀於是
乎民和而神降之福故動則有成今民各有心而鬼神
乏主君雖獨豐其何福之有君姑修政而親兄弟之國
庶免於難隨侯懼而修政楚不敢伐 八年隨少師有
寵楚鬬伯比曰可矣讎有釁不可失也夏楚子合諸侯
于沈鹿黃隨不會使蘧章讓黃楚子伐隨軍於漢淮之
間季梁請下之弗許而後戰所以怒我而怠寇也少師
謂隨侯曰必速戰不然將失楚師隨侯禦之望楚師季

梁曰楚人尚左君必左

君楚王也

無與王遇且攻其右右無

良焉必敗偏敗衆乃攜矣少師曰不當王非敵也弗從

不從季

梁謀戰於速杞隨師敗績隨侯逸鬪丹獲其戎車與

其戎右少師秋隨及楚平楚子將不許鬪伯比曰天去

其疾矣

謂少師見獲而死

隨未可克也乃盟而還

莊公四年

楚武王荆尸授師子焉以伐隨

尸陳也荆亦楚也更為楚兵陣之法子者戰也

楚始於此參用戟為陣

將齊

謂授兵於廟

入告夫人鄧曼曰余心蕩鄧

曼歎曰王祿盡矣盈而蕩天之道也先君其知之矣故

臨武事將發大命而蕩王心焉若師徒無虧王薨於行

國之福也王遂行卒於楸木之下令尹鬬祈莫敖屈重

除道梁澁營軍臨隨隨人懼行成

時祕王喪故為奇兵更開直道澁水在義

陽厥縣西東南入鄢水梁橋也隨人不意其至也故懼而行成

莫敖以王命入盟隨侯

且請為會於漢汭而還濟漢而後發喪楚武王即位

之三十五年伐隨隨曰我無罪楚曰我蠻夷也今諸侯

皆為叛相侵或相殺我有敝甲欲以觀中國之政請王

室尊吾號隨人為之周請尊楚王室不聽還報三十七

年楚熊通怒曰吾先鬻熊文王之師也早終成王舉我

先公乃以子男田令居楚蠻服皆率服而王不加位我

自尊耳乃自立為武王與隨人盟而去於是始開濮地

而有之五十一年周召隨侯數以立楚為王楚怒以隨

背已伐隨武王卒師中而兵罷

按此史記楚世家所紀言伐隨王卒而兵罷即

左傳所紀莊公四年是也左傳不言楚脇隨請於周而自尊之說今錄之以廣異聞

僖公二十

年隨以漢東諸侯叛楚冬楚鬬穀於菟帥師伐隨取成

而還定公五年吳破楚入郢鬬辛與其弟巢以楚王

奔隨吳人從之謂隨人曰周之子孫在漢川者楚實盡之天誘其衷致罰於楚而君又竄之周室何罪君若惠顧周室施及寡人以獎天衷君之惠也漢陽之田君實有之楚子在公宮之北吳人在其南子期似王

昭王兄公子結

也逃王而已為王曰以我與之王必免隨人卜與之不

吉乃辭吳曰以隨之辟小而密邇於楚楚實存之世有

盟誓至於今未改若難而棄之何以事君執事之患不

唯一人

一人楚王

若鳩楚竟敢不聽命

鳩集也

吳人乃退鑪金

初宦於子期氏實與隨人要言

要言毋以王與吳并脫子期

王使見

王喜欲引見

之以比王臣辭曰不敢以約為利

約為要言也

王割子期之

心以與隨人盟

郟

郟嬴姓子爵地在今淮陽軍有古郟城 宣公四年魯

公及齊侯平莒及郟

莒郟二國有宿怨故魯齊共平之

莒人不肯魯伐

莒取向 成公七年吳伐郟郟成季文子曰中國不振

旅蠻夷入伐而莫之恤

振整也旅衆也

無弔者也夫

言不能相愍恤也

詩曰不弔昊天亂靡有定其此之謂乎有上不弔其誰

不受亂

上謂霸主

吾亡無日矣君子曰知懼如是斯不亡矣

九年晉士燮聘于魯言伐邾也以其事吳故魯賂之

使緩師范文子不可曰君命無貳失信不立禮無加貨

事無二成

公私不兩成

君後諸侯是寡君不得事君也燮將

復之季孫懼使宣伯帥師會晉人齊人邾人伐邾襄

公七年邾子來朝始朝公也昭公十七年邾子來朝

魯公與之宴昭子問焉曰少皞氏烏名官何也邾子曰

吾祖也我知之昔者黃帝氏以雲紀故為雲師而雲名
炎帝氏以火紀故為火師而火名共工氏以水紀故為
水師而水名大皞氏以龍紀故為龍師而龍名我高祖
少皞摯之立也鳳鳥適至故紀於鳥為鳥師而鳥名鳳
鳥氏司歷也元鳥氏司分者也伯趙氏司至者也青鳥
氏司啟者也丹鳥氏司閉者也祝鳩氏司徒也鵙鳩氏
司馬也鴈鳩氏司空也爽鳩氏司寇也鶡鳩氏司事也
五鳩鳩民者也五雉為五工正利器用正度量夷民者

也九扈為九農正扈民無淫者也自顓頊以來不能紀

遠乃紀於近為民師而命以民事則不能故也

言黃帝以來受

命皆有雲火水龍鳳之瑞故就以名官
顓頊氏德不能致遠瑞故以民事命官

仲尼聞之見於

郊子而學之既而告人曰吾聞之天子失官學在四夷

猶信

虞

虞姬姓公爵出自太王子仲雍生季簡季簡生叔達叔
達生周章虞仲及武王克商求太伯仲雍之後得周章

已為吳君別封其弟虞仲於周之北地在故夏墟河東

太陽縣今陝州平陸縣有虞城 桓公十年初虞叔有

玉虞公之弟虞公求旃弗獻既而悔之曰周諺有之匹夫無

罪懷璧其罪吾焉用此其以賈害也乃獻又求其寶劍

叔曰是無厭也無厭將及我遂伐虞公故虞公出奔共

池 僖公二年晉荀息請以屈產之乘與垂棘之璧假

道於虞以伐虢公曰是吾寶也對曰若得道於虞猶外

府也公曰宮之奇存焉宮之奇虞之忠臣對曰宮之奇之為人

也懦而不能強諫且少長於君君暱之雖諫將不聽乃

使荀息假道於虞曰冀為不道入自顛軫伐鄭三門

前是

冀伐虞至鄭鄭虞邑河東

冀之既病則亦唯君故

言虞報伐

太陽縣東北有顛軫坂

冀使病將假道故稱

今虢為不道保於逆旅以侵敝邑

虞強以悅其心也

之南鄙敢請假道以請罪於虢虞公許之且請先伐虢

喜於厚賂而欲求媚也

宮之奇諫不聽遂起師夏晉里克荀息帥

師會虞師伐虢滅下陽先書虞賄故也五年晉侯復

假道於虞以伐虢宮之奇諫曰虢虞之表也虢亡虞必

從之晉不可啟寇不可翫一之謂甚其可再乎諺所謂
輔車相依唇亡齒寒者其虞虢之謂也公曰晉吾宗也
豈害我哉對曰太伯虞仲太王之昭也太伯不從是以
不嗣虢仲虢叔王季之穆也

虢仲虢叔王季
子文王母弟

為文王鄉

士勲在王室歲於盟府將虢是滅何愛於虞且虞能親
於桓莊乎其愛之也桓莊之族何罪而以為戮不唯偏
乎親以寵偏猶尚害之況以國乎公曰吾享祀豐潔神
必據我對曰臣聞之鬼神非人實親惟德是依周書曰

皇天無親惟德是輔又曰黍稷非馨明德惟馨又曰民
不易物惟德繫物如是則非德民不和神不享矣神所
馮依將在德矣若晉取虞而明德以薦馨香神其吐之
乎弗聽許晉使宮之奇以其族行曰虞不臘矣在此行
也晉不更舉矣八月晉侯圍上陽十二月晉滅虢師還
館於虞遂襲虞滅之執虞公及其大夫井伯以媵秦穆
姬而修虞祀且歸其職貢於王虞所命祀自太伯作吳五世
而武王克殷封其後為二其一虞在中國其一吳在蠻

夷十二世而晉滅中國之虞中國之虞滅二世而夷蠻之吳興

號

號姬姓公爵出自王季子號仲文王弟也仲與號叔為王卿士勲在王室藏於盟府而文王友愛二弟謂之二號武王克商封仲於弘農陝縣東南之號城今鳳翔府周室東遷號公忌父林父俱為天子之相 隱公三年鄭武公莊公為王卿士王貳於號

王欲分政於號不專任鄭伯

鄭伯

怨王王曰無之故周鄭交質王崩周人將畀虢公政鄭

祭足帥師取溫之麥秋又取成周之禾周鄭交惡八

年虢公忌父始作卿士於周莊公十八年虢公晉侯

朝王王饗禮命之侑

王之覲羣后始則行饗禮先置醴酒示不忘古飲宴則命以幣物侑

助也所以助歡敬之意言備設也

皆賜玉五穀馬三匹非禮也

雙玉為穀

王

命諸侯名位不同禮亦異數不以禮假人

言侯不當與公同賜也

虢公晉侯鄭伯使原莊公逆王后於陳陳媯歸於京師

實惠后十九年王子頹作亂衛師燕師伐周立子頹

二十年鄭伯和王室不克遂以王歸冬王子頽享五大夫樂及徧舞鄭伯聞之見虢叔曰寡人聞之哀樂失時殃咎必至今王子頽歌舞不倦樂禍也夫司寇行戮君為之不舉而况敢樂禍乎奸王之位禍孰大焉臨禍忘憂憂必及之盍納王乎虢公曰寡人之願也 二十一

年胥命於弭同伐王城鄭伯將王自圉門入虢叔自北門入殺王子頽及五大夫鄭伯享王於闕西辟王巡虢守虢公為王宮於玆

虢地

王與之酒泉鄭伯之享王也王

以后之輦鑑予之

輦帶而以鑑為飾也
今西方羌胡為然

虢公請器王子

之爵鄭伯由是始惡於王 二十六年秋虢人侵晉冬

虢人又侵晉 三十年樊皮叛王

周大夫

王命虢公討樊

皮虢公入樊執樊仲皮歸於京師 三十二年有神降

於莘

有神聲以接
人莘號地也

惠王問之內史過曰若之何對曰以

其物享焉其至之日亦其物也

享祭也若以甲乙日至
祭先脾玉用蒼服尚青

以此類
祭之

王從之內史過往聞虢請命

虢請於神求
賜土田之命

反曰

虢必亡矣虐而聽於神神居莘六月虢公使祝應宗區

史嚚享焉神賜之土田史嚚曰號其亡乎吾聞之國將

興聽於民將亡聽於神神聰明正直而壹者也依人而

行唯德是予號多涼德其何土之能得 號公夢在廟有神

人面白毛虎爪執鉞立於西河西榮也公懼而走神曰無

走帝命曰使晉襲於爾門公拜稽首覺召史嚚占之對

曰如君之言則蓍收也天之刑神也天事官成官成禍福各以

官象成也公使囚之且使國人賀夢舟之僑告其族曰衆謂

號不久吾乃今知之君不度而賀大國之襲於已也何

瘳吾聞之也大國道小國襲焉曰服小國傲大國襲焉
曰誅民疾君之侈也是以遂於遂命今嘉其夢侈必展
是天奪其鑒而益其疾也民疾其態天又誑之大國來
誅出令而遂宗國既卑諸侯遠已內外無親其誰云救
之吾不忍俟也將行以其族適晉 閔公二年虢公敗
犬戎於渭汭舟之僑曰無德而祿殃也殃將至矣 僖
公二年晉假道于虞以伐虢虞公許之晉里克荀息帥
師會虞師伐虢滅下陽

下陽
虢邑

虢公敗戎於桑田晉卜

偃曰號必亡矣亡下陽而不懼而又有功是天奪之鑒

而益其疾也必易晉而不撫其民矣不可以五稔五

年晉復假道於虞以伐號八月晉侯圍上陽問於卜偃

曰吾其濟乎對曰克之公曰何時對曰童謠云丙之晨

龍尾伏辰

龍尾尾星也日月之會曰辰日在尾故尾星伏不見

均服振振取號之

旂

戎事上下同服振振盛貌也

鶉之賁賁天策煇煇火中成軍號公

其奔

煇煇火星也賁賁鳥星之體也天策傳說星時近日星微煇煇無光耀也言丙子平旦鶉火中軍事

有成功也已上皆童謠言童觀未有念慮之感而會成嬉戲之言似若有鄉者或中或否其九月十

月之交乎

謂夏之九月十月也

丙子旦日在尾月在策

是夜日月合朔於尾

月行疾故至旦而過在策

鶉火中必是時也冬十二月晉滅虢虢公

醜奔京師

紀

紀姜姓侯爵地在東莞劇縣今臨朐縣東壽光縣西

周夷王時紀侯譖齊哀公於周周烹哀公 隱公元年

紀人伐夷

夷國在城陽莊武縣

二年紀裂繻逆女于魯

紀大夫

冬

魯伯姬歸于紀 紀子帛莒子盟于密 桓公五年齊

侯鄭伯朝于紀欲以襲之紀人知之 六年魯會紀侯

于成紀來諮謀齊難也 冬紀侯來朝魯請王命以求

成于齊公告不能

紀微弱不能自通於天子欲因公以請王命公無寵於王故告不能

莊公元年齊師遷紀邾鄆郛

齊欲滅紀故徙其三邑之民而取其地

三

年紀季以鄆入于齊紀于是乎始判

季紀侯弟鄆紀邑判分也分為附庸

此始魯公次于滑將會鄭伯謀紀故也鄭伯辭以難

四年紀侯不能下齊以與紀季

盡以國與季

夏紀侯大去其

國違齊難也公羊傳大去者何滅之孰滅之齊滅之曷

為不言齊滅之為襄公諱故也春秋為賢者諱何賢乎
襄公復讎也何讎爾遠祖也哀公烹乎周紀侯譖之以
襄公之為於此焉者事祖禰之心盡矣遠祖者幾世乎
九世矣九世猶可以復讎乎雖百世可也

邢

邢姬姓侯爵地在廣平襄國縣隋改曰龍岡今邢州
隱公五年曲沃莊伯以鄭人邢人伐翼 閔公元年狄
人伐邢管敬仲言於齊侯曰戎狄豺狼不可厭也諸夏

親暱不可棄也宴安酖毒不可懷也詩云豈不懷歸畏

此簡書簡書同惡相恤之謂也請救邢以從簡書齊人

救邢 僖公元年齊師及諸侯救邢邢人潰出奔師師

遂逐狄人具邢器用而遷之師無私焉夏邢遷于夷儀

諸侯城之 十八年邢人狄人伐衛圍菟圃衛侯以國

讓父兄子弟及朝衆曰苟能治之燬請從焉衆不可而

後師於訾婁狄師還

狄還邢獨留拒衛

十九年衛人伐邢以

報菟圃之役於是衛大旱卜有事於山川不吉甯莊子

曰昔周饑克殷而年豐今邢方無道諸侯無伯天其或者欲使衛討邢乎從之師興而雨 二十年齊狄盟于邢為邢謀衛難也於是衛方病邢 二十四年衛人將伐邢禮至曰不得其守國不可得也

禮至衛大夫守謂邢正卿國子

我

請昆弟仕焉乃往得仕 二十五年春衛人伐邢二禮從國子廵城掖以赴外殺之正月丙午滅邢禮至為銘曰余掖殺國子莫余敢止

惡其不知耻詐以滅同姓而反銘功

芮

芮姬姓伯爵國在馮翊臨晉縣芮鄉今陝州芮城縣

武王時巢伯來朝芮伯作旅巢命成王時芮伯為司

徒與太保彤伯畢公衛侯毛公同受顧命立康王厲王

說榮夷公芮良夫曰

良夫即芮伯

王室其將卑乎夫榮夷公

好專利而不知大難夫利百物之所生也天地之所載也而或專之其害多矣天地百物皆將取焉胡可專也所怒甚多而不備大難以是教王王能久乎又作桑柔之詩以刺王桓公三年芮伯萬之母惡芮伯之多寵

人也故逐之出居於魏 四年秋秦師侵芮敗焉小之

也冬王師秦師圍魏執芮伯以歸

秦為芮所敗故伐魏執芮伯將納之

九年秋虢仲芮伯梁伯荀侯賈伯伐曲沃 十年秋秦

人納芮伯萬於芮

申

申姜姓侯爵其先神農之後為唐虞四岳受封於申國
在南陽宛縣今信陽軍 宣王時入為王卿士出為南
方侯伯尹吉甫作崧高之詩以美其事 幽王娶申女

為后生太子宜臼後寵褒姒廢申后及太子申侯怒與

繒

繒姒姓之國

西夷犬戎攻殺幽王驪山下虜褒姒盡取周

賂以去諸侯乃即申侯共立故幽王太子宜臼為平王

東遷洛邑平王遣兵戍申周人怨思作揚之水之詩以

刺之魯莊公六年楚武王伐申過鄧十八年楚文

王與巴人伐申而驚其師申後為楚所滅

楚滅申春秋無明文

然僖公二十五年楚以申息之師伐商密其時息已亡則所謂申息皆楚邑也申滅於楚可知二十八年楚師

敗於城濮楚子使謂子玉曰大夫

若入其若申息之老何亦一證

按申伯為蕃翰於宣王之時及幽王廢申后而申侯召犬戎伐周弑王然則以世考之召戎弑君之申侯即為蕃翰者之子也平王東遷王室微弱而方且遣兵戍申以召譏刺蓋申侯忘父之忠而召犬戎以禍王室平王復忘父之讎而勤兵師以戍母家皆非善繼志之孝子也

鄆

鄆姒姓子爵夏后氏之後地在瑯琊鄆縣今襄邑縣東

南 幽王末申侯與鄆人召西夷犬戎攻王殺王驪山

下 僖公十四年鄆季姬來寧于魯季姬魯女鄆夫人公怒止

之以鄆子之不朝也夏遇于防而使來朝 十六年齊

會諸侯于淮謀鄆且東畧也鄆為淮夷所病故城鄆役人病有

夜登丘而呼曰齊有亂不果城而還 十九年宋襄公

使邾文公用鄆子於次睢之社欲以屬東夷睢水受汴東經陳留

梁譙沛彭城縣入泗此水次有妖神東夷皆社祠之用人以祭宣公十八年邾人戕

鄆子于鄆自虐其君曰戕自外曰戕襄公四年公如晉聽政晉侯

享公公請屬鄆

鄆小國欲得使屬魯如須句
顓臾之比使助魯出貢賦也

晉侯不許

孟獻子曰以寡君之密邇於仇讎而願固事君無失官

命

晉官徵發
之命也

鄆無賦於司馬

晉司馬掌
諸侯賦

為執事朝夕之

命敝邑敝邑褊小闕而為罪寡君是以願借助焉晉侯

許之冬十月邾人莒人伐鄆魯臧紇救鄆侵邾敗于

狐駘五年魯穆叔覲太子於晉以成屬鄆書曰叔孫

豹鄆太子巫如晉言比諸魯大夫也九月穆叔以屬

鄆為不利使鄆大夫聽命於會

鄆近魯境故欲以為屬
國既而與莒有忿魯不

能救恐致譴責
故復乞還之

六年莒人滅鄆鄆恃賂也晉人以鄆

故討魯曰何敢亡鄆季武子如晉見且聽命八年莒

人伐魯東鄙以疆鄆田

莒既滅鄆魯侵其西界故
伐魯東鄙以正其封也

昭

公四年九月取鄆言易也莒亂著丘公立而不撫鄆鄆
叛而來故曰取凡克邑不用師徒曰取

右以上言鄆亡事本左氏傳如公羊穀梁二家於
襄公四年所書莒人滅鄆則以為莒女為鄆夫人
而無子有女還嫁之於莒有外孫遂取以為鄆太

子而立之蓋莒未嘗取鄆之地鄆未嘗滅特以外
姓主國祀故以滅書而鄆之亡在昭公四年蓋魯
滅之非莒也上距春秋所書莒人滅鄆凡二十九
年

邾

邾姬姓伯爵地在東平剛父縣西南有邾鄉 隱公五
年衛之亂也邾人侵衛故衛師入邾 十年齊人鄭人
入邾討違王命也 莊公八年魯師齊師圍邾邾降於

齊師仲慶父請伐齊師公曰不可我實不德齊師何罪
罪我之由夏書曰臯陶邁種德德乃降姑務修德以待
時乎秋師還文公十二年邲太子朱儒自安于夫鍾
邑邲國人弗徇弗順也十二年邲伯卒邲人立君太子以
夫鍾與邲邾來奔公以諸侯逆之非禮也故書曰邲伯
來奔

巴

巴姬姓子爵地在巴郡江州縣今渝州江津桓公九

年巴子使韓服告於楚請與鄧為好楚子使道朔

楚大夫

將巴客以聘於鄧鄧南鄙鄧人攻而奪之幣殺道朔及

巴行人楚子使蘧章讓於鄧鄧人弗受

言非鄧人所攻

夏楚使

鬬廉及巴師圍鄧鄧養甥帥師救鄧三逐巴師不克鬬

廉衡陳其師於巴師之中以戰而北

偽北走也

鄧人逐之背

巴師而夾攻之鄧師大敗鄧人宵潰

十八年楚文王

即位與巴人伐申而驚其師巴人畔楚而伐那處取之

遂門於楚閭敖

楚大夫

游涌而逸楚子殺之其族為亂巴

人因之以伐楚楚子禦之大敗於津 文公十六年楚

大饑戎伐之庸人帥群蠻叛楚楚子伐庸秦人巴人從

楚師遂滅庸 哀公十八年巴人伐楚圍鄆楚邑初右司

馬子國之卜也觀瞻曰如志子國未為令尹時卜為右司馬得吉兆如其志觀瞻

楚開卜大夫故命之命以為右司馬及巴師至將卜帥王曰寧

如志何卜焉寧子國也使帥師而行請承承佐王曰寢尹工尹

勤先君者也柏舉之役寢尹吳由于以背受戈工尹固執燧象奔吳師三月楚公孫

寧吳由于遂固敗巴師於鄆故封子國於析君子曰惠

王知志

江

江姓爵未詳國在汝南安陽縣今信陽縣之東南新息縣之西 僖公二年齊侯宋公江人黃人盟于貫服江

黃也

江黃楚與國始來服齊不召而至

三年及齊宋會于陽穀 四

年及齊侯及諸侯之師侵蔡蔡潰遂伐楚盟于召陵

文公三年楚師圍江晉先僕伐楚以救江冬晉以江故

告于周

欲假天子之威以伐楚

王叔桓公晉陽處父伐楚以救江

門于方城遇息公子朱而還

子朱楚大夫伐江之師也
聞晉師起而江兵解故晉

亦還四年楚人滅江秦伯為之降服出次不舉過數降服

素服也出次辟正寢不舉去威
饌鄰國之禮有數今秦伯過之大夫諫公曰同盟滅雖

不能救敢不矜乎吾自懼也

秦江同盟不見於
春秋不告故不書

黃

黃嬴姓爵未詳國在光州定城有黃故城又云登州黃

縣桓公八年楚子合諸侯于沈鹿楚地黃隨不會使遂

章讓黃莊公十九年楚子禦巴師大敗于津還鬻拳

弗納遂伐黃敗黃師於蹠陵

黃地

僖公二年齊宋江黃

盟于貫始服齊也

三年及齊宋會于陽穀

四年齊

會諸侯及江黃伐陳

十一年黃人不歸楚貢楚人伐

黃

黃恃齊故

十二年黃人恃諸侯之睦於齊也不共楚職

曰自郢及我九百里焉能害我夏楚滅黃

息

息姬姓侯爵國在汝南今蔡州新息縣 隱公十一年

鄭息有違言

以言語相違恨

息侯伐鄭鄭伯與戰於竟息師大

敗而還君子是以知息之將亡也不度德不量力不親

親不徵辭不察有罪

言語相恨當明徵其辭以審曲直不宜轉鬪

犯五不韙

而以伐人其喪師也不亦宜乎十年蔡哀侯娶於陳

息侯亦娶焉息媯將歸過蔡蔡侯曰吾姨也止而見之

弗賓

不禮敬也

息侯聞之怒使謂楚文王曰伐我吾求救於

蔡而伐之楚子從之九月楚敗蔡師於莘以蔡侯獻舞

歸十四年蔡哀侯為莘故繩息媯以語楚子

繩譽也

楚

子如息以食入享遂滅息以息媯歸

鄧

鄧曼姓侯爵國在河南新野今潁川陵縣 桓公七年

鄧侯吾離朝于魯 九年巴子使韓服告於楚請與鄧

為好楚子使道朔將巴客聘於鄧鄧南鄙鄧人攻而奪

之幣殺道朔及巴行人楚子使遽章讓鄧鄧人弗受夏

楚及巴師圍鄧鄧師大敗 莊公六年楚文王伐申過

鄧鄧初侯曰吾甥也止而享之驪甥聃甥養甥

皆鄧甥仕於舅

氏請殺楚子鄧侯弗許三甥曰亡鄧國者必此人也若

不早圖後君噬臍其及圖之乎圖之此為時矣鄧侯曰
人將不食吾餘對曰若不從三臣之言抑社稷實不血
食而君焉取餘弗從還明年楚子伐鄧十六年楚復伐
鄧滅之

梁

梁嬴姓伯爵國在馮翊夏陽縣今同州 桓公九年虢
仲芮伯梁伯荀侯賈伯伐曲沃 僖公六年晉侯使賈
華伐屈夷吾不能守盟而行將奔狄卻芮曰後出同走

罪也不如之梁梁近秦而幸焉乃之梁

以梁為秦所親幸秦既大國且

擄姬在焉欲因以求入

十八年梁伯益其國而不能實也

多築城邑

而無民以實之

命曰新里秦取之

十九年遂城而居之

冬

梁亡不書其主自取之也初梁伯好土功亟城而不處民罷而弗堪則曰某寇將至乃溝公宮曰秦將襲我民懼而潰秦遂取梁

滑

滑姬姓伯爵國在河南緱氏縣

僖公二十年滑人叛

鄭而服於衛鄭公子士洩堵寇帥師入滑 二十四年
鄭之入滑也滑人聽命師還又即衛鄭公子士洩堵俞
彌帥師伐滑王使伯服游孫伯如鄭請滑鄭伯怨王之
與衛滑乃不聽王命而執二子 二十二年秦師襲鄭
及滑鄭商人弦高以乘韋先牛十二犒師孟明日鄭有
備矣不可冀也攻之不克圍之不繼吾其還也滅滑而
還

都

都元姓爵未詳國本在商密秦楚界上小國其後遷於

南郡都縣 僖公二十五年秦晉伐都楚鬬克屈禦寇

以申息之師成商密

即都別邑

秦人過析隈入而係輿人以

圍商密昏而傳焉

析楚邑隈隱蔽之處係縛輿人詐為克析得其囚俘者昏而傳城不欲令

商密知囚非析人

宵坎血加書偽與子儀子邊盟者商密人懼

曰秦取析矣成人反矣乃降秦師秦師囚申公子儀息

公子邊以歸

即鬬克屈禦寇

文公五年初都叛楚即秦又貳

於楚夏秦人入都

頓

頓姬姓子爵國在汝陰今陳州南頓縣 僖公二十五

年秦晉伐都楚令尹子玉追秦師弗及遂圍陳納頓子

於頓

頓迫於陳而出奔楚
故楚圍陳納頓子

襄公四年楚人使頓間陳而

侵伐之故陳人圍頓 定公十四年頓子牂欲事晉背

楚而絕陳好楚公子結陳公孫佗帥師滅頓

胡 沈

胡姬姓子爵國在汝陰縣西北胡城今潁川西 沈姒

姓子爵國在汝南平輿縣今蔡州汝陽縣東 文公三

年晉率諸侯之師伐沈以其服於楚也沈潰 成公八

年晉藥書侵蔡遂侵楚楚師之還也

謂六年與晉
遇繞角時

晉侵

沈獲沈子嘉 襄公二十八年胡子沈子朝于晉宋之

盟故也

胡沈楚屬宋之盟曰晉
楚之從交相見故朝晉

昭公二十三年吳伐州

來楚以諸侯之師救州來吳公子光曰諸侯之從於楚

者衆而皆小國胡沈之君幼而狂陳大夫鬻壯而頑頓

與許蔡疾楚政七國同役而不同心乃分師以先犯胡

沈及陳三國敗獲胡子髡沈子逞及陳夏齧舍胡沈之
囚使奔許與蔡頓曰吾君死矣師譟而從之三國奔楚
師大奔定公四年晉會諸侯于召陵沈人不會晉人
使蔡伐之蔡公孫姓帥師滅沈以沈子嘉歸殺之

麋

麋姓嬴子爵國近楚在今均州鄖鄉文公十年楚子
陳侯鄭伯蔡侯次于厥貉將伐宋麋子逃歸十一年
楚子伐麋成大心敗麋師于防渚潘崇復伐麋至于錫

穴皆麋地

十六年楚大饑麋人率百濮聚於選將伐楚

選楚地百濮夷也

為賈曰麋與百濮謂我饑不能師故伐我也

若我出師必懼而歸百濮離居將各走其邑誰暇謀人

乃出師旬有五日百濮乃罷

濮夷無屯聚見難則散歸

萊

萊姓未詳子爵國在東萊黃縣宣公七年魯公會齊

侯伐萊九年齊侯伐萊襄公二年齊侯伐萊萊人

使正輿子賂夙沙衛以索馬牛皆百匹

夙沙衛齊寺人索棟好者齊

師乃還 齊侯使諸姜宗婦來魯送齊姜葬召萊子萊

子不會故晏弱城東陽以偪之

東陽齊境上

六年齊侯滅

萊萊恃謀也

恃賂夙沙衛

唐

唐姬姓侯爵屬楚之小國地在義陽安昌縣東南今隨州唐城縣 宣公十二年楚子圍鄭晉師救鄭楚子使唐狡與蔡鳩居告唐惠侯曰不穀不德而貪以遇大敵不穀之罪也然楚不克君之羞也敢藉君靈以濟楚師

使潘黨率游闕四十乘從唐侯以為左拒以從上軍乃

敗晉師於邲 定公三年唐成公如楚有肅爽馬楚令

尹子常欲之弗與亦三年止之肅爽駿馬名唐人或相與謀

請代先從者許之飲先從者酒醉之竊馬而獻之子常

子常歸唐侯自拘於司敗竊馬者自拘曰君以弄馬之故隱

君身隱憂也棄國家群臣請相夫人以償馬必如之相助也夫

人謂養馬者唐侯曰寡人之過也二三子毋辱皆賞之 四

年冬蔡侯吳子唐侯伐楚五戰入郢楚子奔隨申包胥

如秦乞師 五年秦子蒲子虎帥師救楚大敗吳師遂滅唐

舒 羣舒 巢

舒偃姓子爵國在廬江舒縣 舒鳩偃姓子爵舒之別

封廬江南有舒城東夷也 舒庸姓爵俱失其國亦在

廬江 巢姓爵俱失國在廬江六縣東 舒巢皆楚屬

國 文公十二年楚成嘉為令尹羣舒叛楚夏子孔執

舒子平及宗子遂圍巢

子孔即成嘉平舒君名
宗巢二國羣舒之屬

十四

年楚莊王立子孔潘崇將襲羣舒使公子變與子儀守

而伐舒蓼

即羣舒

二子作亂城郢而使賊殺子孔不克而

還八月二子以楚子出將如商密廬戢黎及叔麋誘之

遂殺鬬克及公子變

廬楚地戢黎廬大夫鬬克即子儀也

宣公八年楚

為衆舒叛故伐舒蓼滅之

二國名

楚子疆之

正其界也

及滑芮

盟吳越而還 成公七年楚申公巫臣奔晉使於吳教

之叛楚吳始伐楚伐巢伐徐 成公十八年舒庸人以

楚師之敗也

敗於鄢陵

道吳人圍巢伐駕圍釐

釐楚四邑

遂恃吳而不設備楚公子橐師襲舒庸滅之襄公二

十四年吳人為楚舟師之役故

此年夏楚為舟師以伐吳

召舒鳩人

舒鳩人叛楚楚子師於荒浦

舒鳩地

使沈尹壽與祁犁讓

之二人楚大夫舒鳩人敬逆二子而告無之且請受盟二子

復命王欲伐之遂子曰不可彼告不叛且請受盟而又

伐之伐無罪也姑歸息民以待其卒卒而不貳吾又何

求若猶叛我無辭有庸乃還二十五年舒鳩人卒叛

楚令尹子木伐之及離城

舒鳩城

吳人救之子木遽以右

師先

先至舒鳩

子强息桓子捷子駢子孟帥左師以退

五人不及

子木與吳相遇而退

吳人居其間七日子强曰久將墊隘

慮水雨

隘

乃禽也不如速戰請以私卒誘之簡師陳以待我

簡閱精兵

駐後為陳

我克則進奔則亦視之

視其形勢而救助之

乃可以免不然

必禽從之大敗吳師遂圍舒鳩舒鳩潰八月楚滅舒鳩

戴

戴姓爵俱未詳國在陳留外黃縣今開封封丘縣隱

公十年宋人衛人入鄭蔡人從之伐戴八月鄭伯圍戴

克之取三師焉

三國之軍在戴故鄭合圍之

宋衛既入鄭而以伐戴

召蔡人蔡人怒故不和而敗

南燕

南燕姑姓伯爵國在東郡燕縣今滑州胙城 隱公五

年鄭人侵衛牧

牧衛地

以報東門之役衛人以燕師伐鄭

鄭祭足原繁洩駕以三軍軍其前使曼伯與子元潛軍

軍其後燕人畏鄭三軍而不虞制人

北制鄭邑

六月鄭二公

子以制人敗燕師于北制 莊公二十年衛師燕師伐

周納王子頹

宿

宿風姓男爵國在東平無鹽縣今鄆州須城東 隱公

八年宿男卒 莊公七年宋人遷宿

宋強遷之而取其地文異於邢遷

州

州姜姓公爵國在濟陰定陶縣今荆南府 桓公五年
州公如曹度其國危遂不復 六年自曹來朝書曰實
來不復其國也

穀

穀嬴姓伯爵國在南陽筑鄉縣今襄陽穀城 桓公八年穀伯綏來朝于魯

荀賈

荀姬姓侯爵國在絳州荀城又云漢桐邑 賈姬姓伯爵國在同州蒲城縣 桓公九年虢仲芮伯梁伯荀侯賈伯伐曲沃

遂

遂姓爵俱未詳國在濟北蛇丘縣今濟州鉅野 莊公

十三年齊侯會諸侯于北杏以平宋亂宗萬殺閔公遂人不

至夏齊侯滅遂而戍之 十七年遂因氏領氏工婁氏

須遂氏四族遂之強宗也饗齊戍醉而殺之齊人殲焉

貳軫 鄆 絞 州 蓼

貳軫 鄆 絞 州爵姓俱未詳 蓼偃姓皐陶之

後爵未詳貳軫絞地缺鄆國在江夏雲杜縣東南今安

州州在南郡華容縣東南蓼在義陽棘陽縣東南湖陽城

今壽州霍丘縣 桓公十一年楚屈瑕將盟貳軫鄖人

軍於蒲騷

即鄖邑

將與隨絞州蓼伐楚師莫敖患之鬬廉

曰鄖人軍其郊必不誠且日虞四邑之至也

四邑隨絞州蓼

君

次於郊郢以禦四邑

鄖郢楚地

我以銳師宵加於鄖鄖有虞

心而恃其城莫有鬬心若敗鄖師四邑必離從之遂敗

鄖師於蒲騷卒盟而還 十二年楚伐絞軍其南門莫

敖屈瑕曰絞小而輕輕則寡謀請無扞采樵者以誘之

也扞衛從之絞人獲三十人明日絞人爭出驅楚役徒於

山中楚人坐其北門而覆諸山下大敗之為城下之盟而還

羅

羅熊姓爵未詳國在南郡枝江縣今襄陽宜城 桓公

十二年楚伐絞師分涉於彭

彭水在新城昌魏縣

羅人欲伐之使

伯嘉謀之三巡數之

伯嘉羅大夫謀伺也巡徧也

十三年楚屈瑕

伐羅鬬伯比送之還謂其御曰莫敖必敗舉趾高心不

固矣遂見楚子曰必濟師

難言將敗故只請益師

楚子辭焉

不解其旨

之故拒入告夫人鄧曼鄧曼曰大夫其非衆之謂其謂君

撫小民以信訓諸司以德而威莫敖以刑也莫敖狃於
蒲騷之役將自用也必小羅君若不鎮撫其不設備乎
夫故謂君訓衆而好鎮撫之召諸司而勸之以令德見
莫敖而告諸天之不假易也不然夫豈不知楚師之盡
行也楚子使賴人追之不及莫敖使徇於師曰諫者有
刑及鄢亂次以濟遂無次且不設備及羅羅與盧戎兩
軍之

盧戎南蠻

大敗之

譚

譚姓未詳子爵國在濟南平陵縣今齊州歷城 莊公
十年齊侯之出也過譚譚不禮焉及其入也諸侯皆賀
譚又不至冬齊師滅譚譚子奔莒

弦道栢

弦子爵姓未詳 道 栢姓爵俱未詳弦國在弋陽軫
縣今光州仙居北道國在汝南安陽縣南道毫今蔡州
確山有故道城栢國在汝南西平縣栢亭今蔡州西平

縣 僖公五年楚鬬穀於菟滅弦弦子奔黃於是江黃
道相方睦於齊皆弦姻也弦子恃之而不事楚又不設
備故亡

權

權姓爵俱未詳國在南郡當陽縣今荊門軍 莊公十

八年楚武王克權使鬬緡尹之以叛圍而殺之遷權於

那處

楚地

使鬬敖尹之及文王即位與巴人伐申而驚其

師巴人叛楚而伐那處取之遂門于楚

攻楚城門

鬬敖游涌

而逸

涌水在南
郡華容縣

楚子殺之其族為亂冬巴人因之以伐

楚十九年楚子禦之大敗于津

須句

須句風姓子爵國在東平須昌縣東北今鄆州須城僖

公二十一年任宿須句顓臾風姓也實司太皞與有濟

之祀

太皞伏羲四國伏羲之後故主其祀任今任城縣
顓臾在泰山南武陽縣東北四國封近於濟故世

之祀以服事諸夏

與諸夏同
服王事

邾人滅須句須句子奔魯因

成風也成風為之言於公曰崇明祀保小寡周禮也蠻

夷猾夏周禍也

邾迫近諸戎雜用夷禮

若封須句是崇皞濟而修

祀紓禍也 二十二年伐邾取須句反其君焉禮也

文公七年魯伐邾取須句寘文公子焉非禮也

須句為邾所滅

僖公取其地再封之復為邾所取今魯再取之邾文公之子叛在魯故使為須句大夫

夔

夔牟姓子爵國在建平秭歸縣今歸州 僖公二十六

年夔子不祀祝融與鬻熊

祝融高辛之火正楚之遠祖鬻熊祝融之十二世孫也夔

乃為楚之別封故亦世紹其祀也

楚人讓之對曰我先王熊摯有疾鬼神

弗赦而自竄於夔

熊摯楚嫡子有疾不能嗣位故別封為夔子

吾是以失楚又

何祀焉

廢其常祀而飾詞文過

秋楚成得臣鬪宜申帥師滅夔以

夔子歸

庸

庸姓爵俱未詳國在上庸縣今房州庸縣 文公十六

年楚大饑庸人率羣蠻以叛楚楚人謀徙於阪高蔣賈

曰不可我能往寇亦能往不如伐庸乃出師使廬戢黎

侵庸

戢黎廬大夫

及庸方城

方城庸地

庸人逐之囚子揚窻

黎官屬

三宿而逸曰庸師衆羣蠻聚焉不如復大師

還復句
還師

起

王卒合而後進師叔曰不可

楚大
夫

姑又與之遇以驕之

彼驕我怒而後可克先君蚡冒所以服陞隰也又與之

遇七遇皆北唯裨僚魚人實逐之

裨僚魚
庸三邑

庸人曰楚不

足與戰矣遂不設備楚子乘駟會師於臨品

駟傳
車也

分為

二隊子越自石溪子貝自仞以伐庸秦人巴人從楚師

羣蠻從楚子盟遂滅庸

崇

崇姓爵俱未詳國在今雍州郿縣東 宣公元年晉欲
求成於秦趙穿曰我侵崇秦急崇必救之吾以求成焉
冬趙穿侵崇秦弗與成

蕭

蕭姓爵俱未詳宋附庸國地今徐州蕭縣 宣公十二
年楚子伐蕭宋華椒以蔡人救蕭蕭人囚熊相宜僚及
公子丙王曰勿殺吾退蕭人殺之王怒遂圍蕭蕭潰申
公巫臣曰師人多寒王巡三軍拊而勉之三軍之士皆

如挾纊遂傳於蕭還無社與司馬卯言號申叔展還無社蕭

大夫司馬卯申叔展皆楚大夫無社素識叔展故因卯呼之叔展曰有麥麴乎曰無

有山鞠窮乎曰無麥麴鞠窮所以禦濕欲使無社逃泥水中無社不解故曰無軍中不敢正

言故河魚腹疾柰何叔展言以無禦濕將病曰目於智井而拯之

無社意解欲入井故使叔展視廢虛井而求拯也若為茅經哭井則已叔展又教結茅

以表井須哭明日蕭潰申叔視其井則茅經存焉號而

出之傳言蕭人無守心

偏陽

偃陽姁姓子爵國在彭城偃陽縣今沂州承縣 襄公

十年晉會諸侯於柤荀偃士句請伐偃陽而封宋向戌

焉以宋常事晉而向戌有賢行故欲封之荀瑩曰城小而固勝之不武弗

勝為笑固請丙寅圍之弗克孟氏之臣秦堇父輦重如

役步挽重車如師偃陽人啟門諸侯之士門焉見啟門故攻之縣門發

鄒人紇挾之以出門者門者諸侯之士在門內者紇鄒邑大夫仲尼父紇多力挾舉縣

門出在內者狄虎彌建大車之輪而蒙之以甲以為櫓彌魯人也

蒙覆也櫓大盾左執之右拔戟以成一隊百人為隊孟獻子曰詩所

謂有力如虎者也主人縣布董父登之及堞而絕之

偏陽

人縣以試外勇者

隊則又縣之蘇而復上者三主人辭焉乃退

嘉其勇故辭謝不復縣

帶其斷以徇於軍三日

帶其斷布以示勇

諸侯之

師久於偏陽荀偃士匄請於荀瑩曰水潦將降懼不能

歸請班師知伯怒投之以機出於其間

出偃匄之間

曰汝成

二事而後告余

二事伐偏陽封向戌

余恐亂命以不女違汝既勤

君而興諸侯牽帥老夫以至於此既無武守而又欲易

余罪曰是實班師不然克矣余羸老也可重任乎

不任受如

此七日不克必爾乎取之五月庚寅荀偃士句帥卒攻

偁陽親犯矢石甲午滅之以與向戌向戌辭曰君若辱

鎮撫宋國而以偁陽光啟寡君羣臣安矣其何貺如之

若專賜臣是臣與諸侯以自封也其何罪大焉敢以死

請乃予宋公以偁陽子歸獻於武宮謂之夷俘

諱俘中國故謂

之偁陽妘姓也使周内史選其族納諸霍人禮也

霍晉邑內

史掌爵祿廢置者使選偁陽宗族賢者令居霍奉妘姓之嗣善不滅姓周史示有王命

賴

賴姓未詳子爵國在義陽隨縣今蔡州褒信縣 昭公

四年楚子會諸侯伐吳執齊慶封殺之遂以諸侯滅賴

賴子面縛銜璧肉袒輿櫬從之造於中軍王問諸叔舉

對曰成王克許許僖公如是王親釋其縛受其璧焚其

櫬王從之遷賴於鄢鄢楚邑楚子欲遷許於賴使鬬韋龜

與公子棄疾城之而還為許城也

鄢

鄢邲姓子爵國在瑯琊開陽縣今臨沂縣 昭公十八

年邠人藉稻

其君出自藉稻蓋履行之

邠人襲邠邠人將閉門邠人

羊羅攝其首焉

斬得閉門者頭

遂入之盡俘以歸邠子曰余無

歸矣從孥於邠邠莊公反邠夫人而舍其女十九年

邠夫人宋向戌之女也故向寧請師二月宋公伐邠圍

蟲

邠邑

三月取之乃盡歸邠俘

耿 霍 魏 焦 滑 揚

耿姬姓爵未詳國在平陽皮氏縣今河中府龍門縣

霍姬姓爵未詳國在平陽永安縣今晉州霍邑 魏姬

姓爵未詳國在河東河北縣今陝州平陸有魏城 焦姬

姓爵未詳國在弘農陝縣今陝州有焦城 滑姬姓伯

爵國在河南緱氏縣今拱州 揚姬姓爵未詳國在河

東今晉州洪洞縣 閔公元年晉侯作二軍 晉本一軍 公將

上軍太子申生將下軍趙夙御戎畢萬為右以滅耿滅

霍滅魏還為太子城曲沃賜趙夙耿賜畢萬魏以為大


夫 襄公二十九年晉司馬女叔侯曰虞虢焦滑霍楊

韓魏皆姬姓也晉是以大若非侵小將何所取

按如司馬女叔侯之說則滑為晉所滅然僖公三十二年秦穆公襲鄭以鄭有備滅滑而還則滅滑者秦非晉也呂相絕秦書有殄滅我費滑散離我兄弟之語則方是以聲秦滅姬姓諸侯之罪豈晉所滅者又別一滑邪當考



文獻通考卷二百六十三



總校官庶吉士臣張能照

校對官庶吉士臣嚴福

膳錄監生臣徐大豐